

RESÚMEN 2021

Un resúmen di e prestashonnan ku Kámara di Komèrsio i Industria a desempeñá den 2021

DURANTE 2021
KÁMARA DI
KOMÈRSIO A OFRESÉ
BO E SIGUIENTE
FORMANAN DI
SOSTEN:



RELATÁ NA COVID-19:

- Kontinuashon di un lokèt di sosten pa konseho tokante e medidanan di sosten ku Hulanda Oropeo i otro instansianan a bini kuné. Pa esaki nos a kontestá 418 email.
- Regularmente nos a konsultá ku gobièrnu lokal i ministerionan hulandes tokante entre otro e medidanan di COVID-19.
- Konseho i komunikashon tokante e Areglo di Alivio di Entidat Públiko Boneiru pa duna sosten na empresarionan ku no por a hasi un apelashon riba e areglonan nashonal.
- Nos a organisá un seminario online tokante importansia di bakunashon pa empresario.
- Nos a duna un aporte profeshonal na un Post Disaster Needs Assessment (PDNA) di Banko Mundial pa loke ta trata e konsekuensianan di e pandemia di COVID-19 pa Boneiru.
- Partisipashon na e grupo di konseho di COVID-19 huntu ku e instansianan mas importante di gobièrnu tokante e efektonan i konsekuensianan di COVID-19 riba nos ekonomia.
- Nos a duna konseho den Diálogo Sentral i nos a kontribuí na vários korespondensia ku a bai pa e ministerionan hulandes, relashoná ku e tema di COVID-19 i e ayudo deseá pa Boneiru.
- E kampaña di konsientisashon online “ABO” pa entusiasamá públiko pa kumpli ku e medidanan di COVID-19.



NO RELATÁ NA COVID-19

- Introdukshon di un sistema di registro komersial online nobo ku mas posibilidat pa empresarionan pa independiente di tempu i sitio hasi negoshi ku Kámara di Komèrsio Boneiru.
- Prosesamentu di 696 inskripshon nobo den registro komersial.
- Nos a hasi palabrashon ku Entidat Públiko Boneiru pa redusí e término di pèrmit di estableimentu di 8 siman pa 6 dia di trabou.
- Partisipashon na diferente plataforma di konsulta, manera Diálogo Sentral, grupo di direkshon Blue Destination, Plataforma Insular Kontròl di Kriminalidat, Plan Maestro 2030 i Plan di Rekuperashon pa Turismo, kaminda nos a trese interesnan di nos empresarionan dilanti.
- Ehekushon eksitoso di un Bonaire Arts Exhibition ku mas di 40 artista entusiasá i 250 bishitante.
- Nos a hasi investigashon i skirbi un plan pa un Business Incubator ku mester sòru pa empresarionan ku ta kuminsando por manehá un empresa faktibel mas rápidamente.
- Nos a organisá diferente kampaña pa engrandesé konsientisashon di Blue Destination i kontinuashon di e sertifikashon Blue Destination.
- Implementashon mas aleu di KvK Academy komo treinen pa empresario.
- Stimulashon di empresariado na skol pa medio di seshonnan di informashon na vários skol.



kontinuashon **NO RELATÁ NA COVID-19**

- Intensifikashon di e kontaktonan ku diferente stakeholder ku ta relevante pa e trabounan di Kámara di Komèrsio, manera Entidat Públiko Boneiru, direktorado di Planifikashon di Desaroyo, Asuntunan Sosial i Empleo (SZW), Plenchi di Trabou, Servisio di Impuesto Hulanda Karibense (BCN), Servisio di Imigrashon i Naturalisashon (IND).
- Nos a kontestá un total di 2.011 petishon pa informashon i yamada di klientenan ku tabatin pregunta tokante lantamentu di un empresa i/òf establesementu na Boneiru.
- Nos a organisá un seshon di informashon den koperashon ku Servisio di Impuesto Hulanda Karibense tokante 'MijnCN' i deklarashon di Impuesto di Entrada.
- Nos a organisá un seshon di informashon online tokante Fondo di Daño (Schadefonds) i 'Camera in beeld' (sistema kaminda polis sa na unda tin kámara di vigilansia).
- Ehekushon di un kampaña den kuadro di Dia Internashonal di Hende Muhé pa promové empresarionan femenino.
- 'Business Tour for Kids' eksitoso den kuadro di Buki di Prèt.
- Nos a duna aporte na Akuerdo di Kralendijk ku lo sirbi komo punto di salida pa kombatmentu di pobresa na Boneiru.
- Durante 2021 e wèpsait di Kámara di Komèrsio ku mas di 21.800 'pageview' i nos medionan sosial ku mas di 2.420 siguidó tambe tabata un fuente importante di informashon pa empresarionan.

**DURANTE 2022
TAMBE KÁMARA DI
KOMÈRSIO LO SIGUI
HASI ESFUERSO PA
NOS EMPRESARIONAN**

